

подобен именуем, не скверно свое исповедание от кумирьских⁴⁵ службы соблюде. От Александрии⁴⁶ же Александр сам прииде, священными внутрь украшаем исправлении, привожаше же и сподвижника себе⁴⁷ Афонасия,⁴⁸ иже тогда убо чину диаконску началник бе, не по мнозе⁴⁹ же и архиерейскаго престола бысгь наследник. Тако же и славный Еустафиес прииде, Антиохийския церкви украшение, веры убо блистая чистотою, словес же⁵⁰ разумений целомудрием удивляем. С ними же || Иерусалимский Мака-^{385 об.} рие, многими виды добродетели обливаем,⁵¹ и иные мнози апостольскими дарованиями и мученическими страданиями облистующе, от них же Пафнутие и Спиридон, Иаков же и Максим благаго же и чюднаго собрания⁵² блази и чюдни⁵² первоистокатели познавахуся. Над теми же всеми и великий⁵³ досточудный Константин⁵⁴ греческаго начальства управляя скипетра святяше и собор збирая⁵⁵ и светлейш⁵⁶ надстоянием своим съделовая.

От толиких убо и сицевых священный он составляшеся собор Ариа некоего ра||сколотворца о нечестии его суд истязуя и апостольское и божественое утверждая проповедание. Бяше же сей окаанный⁵⁷ влекий убо⁵⁸ род от Александрова града, в клирос же вочтен тоя же церкви, и в презвитерский⁵⁹ степень восшед, первее убо на своего пастыря гордостно восприя мудрование, оттуду же на общаго⁶⁰ пастыря и владыку простре величание, сына бо и слово⁶¹ божие (о дрзостнаго оногo и⁶² языка и мысли!) в создание и тварь низвожаше, ниже сие разумети хотя обще суще всем и самоученно исповедание, яко всяк сын то||го же есть рожшему существа и естества, и иже сына вчиняя в созданиих, и отца тварь прежде нарекла⁶³ есть, яко же иже отца содетельнаго существа и присносущнаго естества ведя, того же быти и сына соисповесть.⁶⁴ Где же будет истинное сыновства иному убо существу отцу сущу, иному же сыну? Како же не еллинскаго заблуждения возникнет многобожество, на меньшее и большее существо пресецаему божеству и овому убо в перваго и содетельнаго и старейшаго бога определяему, овому же во⁶⁵ втораго бога разлучаему || и служителя^{386 об} и юннаго?³⁸⁷

Сиа убо суть Ариева лукаваго сеяния плоды. Но сего⁶⁶ убо яко устна хулная на сотворшаго вооруживша, священства священиа⁶⁷ обнажи собор, злочестивейшую же его и богоборную ересь проклятию подложки. Единосущна же и единоестествена и съприсносущна⁶⁸ сына и слово божие рожшему⁶⁹ отцу и тоя же власти и господства, яко же божественая пророчества и благочествующих обща⁷⁰ учения богословивше⁷¹ утвердиша, добре уведевше⁷² и рассмотривше, зане яко еже в едино заключати лице троическое || единачалие и господство, — иудейско есть и христонавистно, сице и еже разсецати в неравных естествах и неподобных существах пресущественое⁷³ и преестественое и единственое божество, — еллинско есть и многобожно. Но в сих⁷⁴ убо святыи и вселенский первый собор.

⁷⁵ Събор второй на духовборца^{75а} Македониа.⁷⁶ Святыи же и⁷⁷ вселенский второй събор священных убо попечении царствующий град священное показоваше училище, в 50 же и сто мужей священных со-

⁴⁵ кумирские Б. ⁴⁶ Александрия С. ⁴⁷ себе Б. ⁴⁸ Афанасия ГС. ⁴⁹ мнози С. ⁵⁰ Доб. и БГС. ⁵¹ обливаем ГС. ^{52—52} блази чюднии БГ. ⁵³ великими Г. ⁵⁴ Костянтинъ Б. ⁵⁵ събирая Б; собирая ГС. ⁵⁶ светлейший Б. ⁵⁷ Вставлено на поле справа В. ⁵⁸ Испр. по БГС; обо АВ. ⁵⁹ прозвитерский Г. ⁶⁰ общаго С. ⁶¹ Испр. по БВГС; слова А. ⁶² Нет С. ⁶³ еси Г. ⁶⁴ исповест БС. ⁶⁵ Нет БС. ⁶⁶ того С. ⁶⁷ священный БГС. ⁶⁸ сприсушна Г. ⁶⁹ рождшему Г; рождшему С. ⁷⁰ общая БГС. ⁷¹ благословивше ГС. ⁷² увидевше ГС. ⁷³ пресущное БГС. ⁷⁴ сех БГС. ^{75—76} На полях БГС; киноварью ВС. ^{75а} Доб. и ГС. ⁷⁷ Нет Б.